

# PRAELECTIONES

SEMESTRES,

IN

CAESAREA UNIVERSITATE  
LITTERARIA,

QUAE DORPATI CONSTITUTA EST,

A. D. XVII. IAN. ANNI MDCCLXXXI.

HABENDAE

INDICUNTUR

A

RECTORE ET SENATU ACADEMICO.

INSUNT

SYMBOLAE CRITICAE IN QUAEDAM LOCA  
PLATONIS ET HORATII.

---

DORPATI,

EX OFFICINA ACADEMICA I. C. SCHÜNMANNI.

# COMMILITONIBUS HUMANISSIMIS

S. P. D.

CAROLUS MORGESTERNIUS.

**N**eque a communibus litterarum studiis, neque ab huius officii opportunitate alienum videtur, *Commilitones*, de quibusdam locis Dialogorum Platoniorum super paelectorum et de nonnullis Sermonum Horatianorum nunc praelegendorum pauculas observationes proponere.

In *Apologia Socratis*, quam *ASTIUS* quidem, Vir perdoctus et admodum sagax<sup>1)</sup>, *PLATONI*, ut rhetoris nescio cuius abortum, fidenter abiudicavit, qua tamen etiam posthac plurimi iique non insipientes fruentur ut vera Socratis defensione per Platonem pie tradita, passim quidem, ni fallor, tradentis ingenio tum iuvenili imprudenter immutata<sup>2)</sup>, in egregia igitur illa Oratione et Socratica et Platonica, cap. xxiii. extr. in codd. atque editt. vet., etiam in edd. *STEPHANI*, *FISCHERI*, *WOLFI*, *BECKII*, ὥμας legitur in his: Ταῦτα γάρ, ὃ ἀνδρες Ἀθηναῖοι, οὐτε ὥμας χρὴ πολεῖν τοὺς δοκοῦντας καὶ ὄπητον τι (nam ὄπητον τι malim cum BEKKERO pro ὄπητον, quod est apud Stephanum, Fischerum, Wolfium, Beckium, et pro ὄπην τι, quod scripsit HEINDORFIUS) εἶναι, οὐτ' ἀνήμετις ποιῶμεν, ὥμας ἐπιτρέπειν κ. τ. λ. Alii tamen recentiorum praetulerunt, quod coniecit, in Textum recipere ausus non est, *FORSTE-*

1) In opere haud contempnendo: *Platons Leben und Schriften* etc. Lipsiae a. 1816 edito, p. 474—492. Apologiam contra Astii rationes ita, ut aliis pauca reliquerit addenda, vindicasse mihi videtur *THIERSCHIUS* V. C. in Ephemeridibus litterarioris quae inscribuntur: (*Wiener*) *Jahrbücher der Lit.* 1818. Tom. III. p. 70—93. Conf. etiam *SOCHERI* librum (*Ueber Platons Schriften*. München, 1820.) p. 69—78.

2) Huc retulerim nonnulla eorum quae in Apologia taxavit *FERDINANDUS DELBRÜCKIUS*, Professor Bonnensis, in libello eleganter scripto: *Sokrates* etc. edito Coloniae Agripp. 1819, p. 46 seq. In aliis tamen Orationis particulis reprehensis totius corporis, unde illas divulsas examinavit, non satis memor fuisse videtur amicus a puero mihi percarus.

RUS, ημᾶς: IO. HENR. VOSSIUS, SCHLEIERMACHERUS, HEINDORFIUS, BEKKERUS. Schleiermacherus quidem <sup>3)</sup> trifariam nos cogi dicit ad hanc lectionem amplectendam, tum proximo ημεῖς, tum sequenti ημᾶς, tum simili oppositione in illis (cap. 24): οὐτε ημᾶς ἐθίσειν ημᾶς ἐπιορκεῖν, οὐδὲ ημᾶς ἐθίσεσθαι, quam Vossius iam vocaverat in auxilium. Neque tamen his omnibus quidquam proficitur. Manifesta quidem his locis oppositio reorum et iudicium; rei sunt ημεῖς, iudices ημεῖς. At si in iudicium numero nonnulli esse videbantur, qui, ipsi quondam capitum rei, iidem suppliciter oraverint iudices tunc suos cum lacrimis aliaque turpiter fecerint ad misericordiam movendam: quidni optimo sane iure dicere poterat Socrates: οὐτε ημᾶς χρὴ ποιεῖν κ. τ. λ. <sup>¶</sup> Quidni, etiamsi minime praemiserit quod illi volunt, ημᾶς, sine ulla haesitatione addere haec: οὐτὸν δὲ ημεῖς ποιῶμεν, ημᾶς ἐπιτρέπειν — ? Atqui eiusmodi homines inter Socratis iudices videri fuisse, apertum est ex initio capitum: τάχα δὲ αὐτοῖς ημῶν ἀγανακτήσειν, ἀναμυησθεῖς ἔαυτοῦ, εἰ δὲ μὲν καὶ ἐλάττω τοντοῦ τοῦ ἀγάνως ἀγωνιζόμενος, δεδέηται τε καὶ ἵετεν τοὺς δικαστὰς μετὰ πολλῶν διηρίων; παῖδις τε αὐτοῦ ἀναβιβασάμενος, οὐτα δέ τοι μάλιστα ἐλεγθεῖν κ. τ. λ. Temere igitur h. l. vulgatam deseruit HEINDORFIUS, auctore FORSTERO, ducibus et comitibus duumviris eximiis, VOSSIO et SCHLEIERMACHERO.

Apol. c. xxix. verba ἐπειδή περιέλαβε δῆ [delevit WOLFIUS, retinuit HEINDORFIUS scribens τὸ ἐ. τ. δ. Glossam omnino sapere mihi videntur, deleta etiam BEKKERO, haud scio an ex codicum auctoritate. Capite xxvii. contra HEINDORFIUS cum SCHLEIERMACHERO e margine irrepsisse censet verba τοῖς "Εὐδενα, quae retinuit WOLFIUS, uncis inclusit BEKKERUS. Mihi quidem non male retineri videntur. Quod infra c. 31 legitur: ἐν τῷ οἱ ἀρχοντες ἀρχολιται ἀγονοι, et Phaedon. non longe ab initio: οὐκ εἴναι οἱ ἀρχοντες παρεῖναι; inde saltem, quod vult HEINDORFIUS, non sequitur.

In Charmide, quem Platonis non esse mihi quidem nondum persuasit neque ASTIUS <sup>4)</sup>, neque is, qui post eum lenius eandem rem tractavit, SOCHERUS <sup>5)</sup>), licet opus arduum sit, refutare omnia argumenta ab utroque viro doctissimo prolata, cap. x. haec leguntur: Καὶ γὰρ τὸν, ἐφη, τοῦτον τὸν ἀμάρτημα περὶ τοὺς ἀνθρώπους, ὅτι ζωγρίς θατέρου, σωφροσύνης τε καὶ ὑγείας, ταρποὶ τινες ἐπιχειροῦσιν εἶναι. In his SCHLEIERMACHERUS verba σωφροσύνης τε καὶ ὑγείας esse censet insititia: θατέρου pertinere potius ad φυγὴν et σῶμα. Recte, opinor. Suspicatus est etiam HEINDORFIUS, illa pro glossemate habenda esse, in Corrig. et Addend. p. 359. Quod tamen dicit, illud τε ante καὶ glossatoris vix se putare, id me quidem nil moratur. Ista, quae a BEKKERO uncis certe inclusa sunt, a Platone profecta esse, hanc etiam ob causam negaverim, quod Socrates Platonicus nusquam sic seiuncturus erat σωφροσύνην et ὑγείαν, cui virtus ipsa nihil aliud quam ὑγεία φυγῆς. Conf. Polit. IV. 18. ed. Ast., coll. Comment. meis de Plat. Republ. p. 110. 119.

Cap. XXIII. Εγὼ γάρ ποι, οὐδὲ δέ οὐ, τοῦτον ἀμολόγημα; οὐδὲ οἱ τὰ τῶν ἄλλων πράγματα

3) P. I. Vol. II. p. 419 ed. prior. An altera praeclarae Versionis editione sententiam mutaverit Vir acutissimus, nescio, quum nonnisi primum novae volumen adhuc ad me pervenerit.

4) L. c. p. 423—428. GRODDECKIUS quidem, V. C., in disp. praelectionibus in Univers. litt. Vilnensi a. 1820 habendis praemissa, qua continentur Graecorum de Zamolxide fabulae, p. V. not. g. sic iudicavit: „Platonis nomen mentiri hunc dialogum, idoneis argumentis docuit ASTIUS sollertia.“

5) L. c. p. 150—157.

σωφρονοῦσιν. ή τοὺς ποιῶντας ὀμολόγησα; In haec *HEINDORFIUS* scite sic commentatus est: „Ego sane, inquit ille, hoc concessi, quod temperantes sunt, qui aliena agunt. Num etiam qui faciunt, concessi? Ita Cornarius, eodemque modo Ficinus. Et est haec sane vulgatae huius scripturae sententia, perversa illa quidem et argumentationi plane contraria. Nimurum concesserat Critias, σωφρονεῖν καὶ τοὺς τὰ τῶν ἄλλων ποιῶντας. Quod quum repugnare dicit Socrates ei finitioni, qua σωφροσύνη esse τὸ τὰ αὐτοῦ πράττειν posuerit ipse Critias, non igitur σωφρονεῖν illos τὰ τῶν ἄλλων πράττοντας, respondebit sine dubio Critias, aliud esse τὸ τὰ ἑαυτοῦ πράττειν, aliud τὸ τὰ ἑαυτοῦ ποιεῖν: hoc se munus τῇ σωφροσύνῃ tribuisse, illud non item.“ Aliis pluribus adiectis recte dubitans de verborum integritate, hanc tandem emendationem proponit: Ἐγὼ γάρ που, η δ' ὁσ, οὐχ ὀμολόγησα, ὡς οἱ τὰ τῶν ἄλλων πράττοντες σωφρονοῦσιν, εἰ τοὺς ποιῶντας ὀμολόγησα. Mihi sine litterae cuiusquam mutatione sic scribi posse videbatur: Ἐγὼ γάρ ποῦ, η δ' ὁσ, τοῦθ' ὀμολόγησα, ὡς οἱ τὰ τῶν ἄλλων πράττοντες σωφρονοῦσιν, η τοὺς ποιῶντας ὀμολόγησα; Ego ubinam, inquit ille, hoc concessi, quod temperantes sunt, qui aliena agunt, ubi (qua disputationis parte) vel, si mavis, quemadmodum, qui (aliena) faciunt (temperantes esse) concessi? Nusquam, inquit, se concessisse, quod temperantes sint, qui aliena agant, in ea disputationis parte, ubi, temperantes esse, qui aliena faciant, a se omnino concessum sit. Commodo igitur statim Socrates: Εἰπέ μοι, ην δὲ ἐγώ, οὐ ταῦτα σὺ παλεῖς τὸ ποιεῖν καὶ τὸ πράττειν; Οὐ μέντοι, ἔφη, κ. τ. λ. Aoristus ὀμολόγησα post Perfectum ὀμολόγησα Heindorfio suspectus, potest defendi. Eodem fere modo c. 44 in his: Ἀ γὰρ γὰρ δὴ ἐλέγομεν, ὡς μέγα ἀν εἴη ἀγαθὸν η σωφροσύνη, εἰ τοιούτον εἴη — οὐ μοι δοκοῦμεν, ὥς Κριτία, παλῶς ὀμολογηπεῖσθαι. Πῶς δή; η δο. Ὅτι, ην δὲ ἐγώ, ἔχοις ὀμολογήσαμεν, μέγα τι ἀγαθὸν εἶναι τοῖς ἀνθρώποις, κ. τ. λ.

*HORATII Serm. I. Sat. 2, v. 129, 130 CAROLUS FEI*, clarus ille Archaeologus, e codd. et edd. vet. nuper edidit: *vae! pallida lecto Desiliat mulier*; etc. Lectioni *vae* obstarere dicit *BENTLEIUS*, quod in locis a se allatis et similibus *vae* demens, *vae* misera iunctim construantur; in *vae pallida* id non possit, (ridiculum enim foret) sed *vae* solum hic et incomitatum incedat. Cui principis Criticorum Britannicorum observationi hoc opponere ausim, lectio *vae!* si cui h. l. probetur, eam non ad *pallida* solum referendam videri, sed ad verba *pallida lecto Desiliat mulier*, et ad omnia quae sequuntur v. 130, 131: *miseram se conscientia clamet, Cruribus haec metuat, doti depensa, egomet mi.* Ut Carm. I. 13, v. 3, 4. *vae! meum Fervens* difficulti bile tumet iecur. Nam quae *FEI* ad defendendam lectionem suam profert: „*Vae! interiectio paventis, optime: vae miserae uxori! clament familiares*“ etc., ea equidem apta huic loco esse negaverim. Male enim haec coniunxisse videtur Vir doctissimus: *undique magno Pulsu domus strepitu resonet, vae! quae eum coniunxisse colligas etiam ex locis ab eo laudatis Sat. 8, 41. II. Sat. 6, 115.* At magnus strepitus ille non solum clamore familiarium, sed magis etiam ianua fracta et latrante cane v. 128. Quanquam vero lectionem *vae!* codicum quorundam auctoritate denuo commendatam, examine repetito dignam putabam, quam *HEINDORFIUS* ne verbo quidem memoravit, praefero tamen lectionem vulgatam, diligentissimo huic interpreti quoque probatam, *vepallida*.

Sat. I. 4, v. 86 seq. legi scitis:

*Saepe tribus lectis videas coenare quaternos,  
E quibus unus amet quavis aspergere cunctos  
Praeter eum qui praebet aquam; etc.*

## VI

Pro lectione vulg. unus *FEA* e codd. Romanis edidit *imus*. Probabiliter. Qualis occurrit Ep. I. 18, 10 *imi* *Derisor* lecti, et Serm. II. 8, v. 40, 41 *imi* *Convivae* lecti: eiusmodi homo, qui scurrili dicacitate symbolam daret hospiti, h. l. intelligi possit, et quidem is, qui imo lecto *imus* recumberet, ut *PETRONIUS* Feae iam laudatus c. 38 ait: *Vides illum qui in imo imus recumbit?*

Sat. I. 5. v. 72 lectionem vulg. *Paene macros arsit dum turdos versat in igni.* deseruit *FEA*, Codd. mss. tantum non omnibus et Acrone ac Porphyrione invitis, *LAMBINUM* secutus, edito: *Paene arsit, macros dum turdos versat in igni: male.* Nam quod negat Editor Romanus, Synchysin in Sermonibus locum habere, id quale sit appareat. Conf. quae de Hyperbatis Sermonum Horatianorum monuit *WOLFIUS* ad Serm. I. 1, v. 88 („*Horatius' erste Satire Lateinisch und Deutsch mit einigen Scholien*. Berlin 1815“) p. 23. Cui, ut saepissime, haud nominato quae opposuit *HEINDORFIUS* (ad eundem locum, p. 20<sup>6</sup>), eorum magnae parti non assentior. Hand temere vero eiusmodi Hyperbata ab Horatio adhibita putemus. Hic enim, quae sub luce videri vellet motae mentis notio, eam ipsa loci in verbis singulis collaudans assignati insolentia insigniorem reddidit: ut h. l. *macros* (macri scilicet turdi in igni versati operaे pretium erant tantis turbis excitandis!), ut I. 1, 88 *nullo* (si nullo, ne minimo quidem, labore tuo retinere servareque amicos velis, natura quos tibi dat, cognatos); II. 1, 60. *scribam* (qualiscunque erit vitae color, in proposito susceptoque scribendi consilio permanebo).

Sat. I. 9, 43 seq.

— — — — — *Maecenas quomodo tecum?*

*Hinc repetit. Paucorum hominum, et mentis bene sanae.*

*Nemo dexterius fortuna est usus. Haberes*

*Magnum adiutorem, posset qui ferre secundas,*

*Hunc hominem velles si tradere: dispream, ni*

*Summoses omnis.*

*HEINDORFIO* verba mentis bene sanae, si Horatii ore proleta sumantur, mira esse videntur; quae sequuntur, *Nemo dexterius fortuna est usus*, ab eodem de Maece- nate suo nebuloni isti dicta, vere contumeliosa. Hunc potius verbis *paucorum homi- num et mentis bene sanae* et interrogationi suaee *Maecenas quomodo tecum?* causam, et conditioni, quam fert v. 46, *haberes Magnum adiutorem* etc., commendationem ad- dere velle. Verba *Maecenas* — *summoses omnis* iam *TURNEBUM* et *TORREN-*

6) Quod loco perdifficili recepit *HEINDORFIUS*: *Ac si cognatos, nullo natura labore Quos tibi dat, retinere velis servareque amicos, Infelix operam perdas, ut si quis asellum In campo doceat parentem currere frenis?* id mihi quidem haud probatur. Explicat autem ipse his verbis: „Kannst du, dem Geld das Höchste ist, dich wundern, wenn dir niemand eine unverdiente Liebe schenkt, und wenn, im Fall du dir die Blutsverwandten, die dir ohne dein Zuthun die Natur gegeben hat“ (*nullo natura labore Quos tibi dat* — num hoc est: „die dir ohne dein Zuthun die Natur gegeben hat“?) „als Freunde erhalten willst, du dann eben so umsonst dich bemühst, wie wenn jemand den Esel auf der Reitbahn die Künste des Pferdes lehren wollte?“ Die Verbindung ist: „*Miraris, si nemo praestet — amorem, ac — Infelix operam perdas.*“ Unde quaeso illud: „und wenn, im Fall du“? Fateri igitur interpretem oportebat, verborum quam statueret iuncturam esse: *Miraris, quum — ponas, si nemo praestet — amorem, Ac (miraris, si), si cognatos — retinere velis s. q. a., Infelix operam perdas —?* At iuncturam tam inconcinnam quis velit Horatio obtrusam?

*Cai. Ruyz* <sup>(1816)</sup> *Coniectan. in Triphyl. lib. I. p. 133 f.* <sup>contra Wolffum</sup> „*Sufficit vero uita nullo labore animo cogitari in pugnatis, retinere velis: facete iisdem et salte Horatius infelix operam perdis exhiberet, sed tamen relata hac intentia ad superiora per at particularam, non potuisset, ut arbitror, solos cognatos ponere: aderunt enim avarum illum et sordidum vicini quoque, noti, et caeteri. Horatium autem hoc significasse existimo: tu miraris, a nemine te amari, qui tam misericordis utaris moribus, ut ne cognatos quidem possis ullo modo servare amicos, qui tecum fronte at dyo natura coniuncti sunt?* Quamobrem puto Horatium dixisse haec: //

*TIUM importuno isti tribuisse, atque etiam BENTLEIUM sic distinxisse, non bene desertos a recentioribus. Rationibus ab Heindorfio allatis equidem non acquiescebam.* Verba *Paucorum hominum, et mentis bene sanae multo aptius Horatio tribui etiamnum puto.* Nam illa: *Paucorum hominum huius et ingenio et consilio multo magis convenient, quam fatui hominis perversitati; haec mentis bene sanae sensu vocis cautus vere sumpta* (Sat. I. 3. 61, 62. pro *bene sano Ac non incauto*) *idem fere repetunt, quod Serm. I. 6, v. 50, 51 de Maecenate suo ad Maecenatem ipsum scripsit: Praesertim cautum dignos adsumere prava ambitione procul* (sc. *ostus*). Utri vero verba *Nemo dexterius fortuna est usus assignemus?* Haec de Maecenate sumpta, nec Poëtae nec molestissimi hominis consilio respondere dico. De Poëta recte nec Poëtae nec molestissimi hominis consilio respondere dico. De Poëta recte iam negavit Heindorfius. At ne importuno quidem hoc convenient loco, licet fortuna dexterime usum esse tali homini est ad summam laudem pervenisse. De Maecenatis fortuna, et quomodo ea usus esset Maecenas, nunc minime omnium quaeratur: suam cogitans et aucupans qui repraesentatur, Horatii fortunam omnino praetendere poterat aucupio. At num, quod Heindorfio placet, verbis, ut ab omnibus hodie leguntur: *Nemo dexterius fortuna est usus —?* Quaero: si ex inepti pravique hominis sententia Horatio nemo dexterius fortuna est usus: num magno adiutore tum opus erat? Quid? quo *nemo dexterius fortuna est usus* scilicet, num ei rivales adhuc submovendi? Minime: submoti fuissent omnes. Ne plura: conjecturam afferre liceat subtimenti, ne qui forte me oblitum esse putent, quam lubrica sit coniiciendi via in scriptore tot doctissimis iisdemque acutissimis viris toties tractato et polito.

*Nemo deterius fortuna est usus. Haberes  
Magnum adiutorem, posset qui ferre secundas,  
Hunc hominem velles si tradere. Dispeream, ni  
Submosses omnis.*

Hoc si scriptum reperirem, acquiescerem. Homini importuno, fatuo, maligno haec iuncta optime, puto, convenient. *Deterius* h. l. idem fere esset quod *minus*, ut Sat. I. 10, 90: *doliturus si placeant spe Deterius nostra.* Ep. I. 10, 19. *Deterius Lybicis olet aut nitet herba lapillis?* Ita tamen, ut maior vis illi vocabulo his quoque locis insit quam simplici *minus*. *Deterius*, i. q. *minus* bene, medium esse quodam modo videtur inter *peius*, Horatio etiam frequentatum, et *minus*. Nemo, inquit, fortuna sua *minus* usus est, quam tu, Quinte, qui per Maecenatis familiaritatem ad summum venire potuisses: me adiutorem si haberes, quicunque obstant quin tu quam longissime procedas, statim submoyer es omnes. Unum addo. Horatius quum omittere soleat illa *inquam, inquit*, ubi, uter loquatur, manifestum est, addere tale quid solet ac debet, ubi obscurum esse possit. In vulgata lectione *Nemo dexterius fortuna est usus*, an haec de Maecenate dicantur, an de Horatio, et quo sensu, ambigitur. Ambiguitatis culpa haeret in ipso Poëta, si sic scripsit. In conjectura nostra nihil ambigi: de Maecenate nemo tum ne somniaret quidem.

In iis quae statim sequuntur v. 47: *Non isto vivitur illic, Quo tu rere modo:* lectionem a *BENTLEIO* et e codd. receptam et exemplis firmatam *vivitur non bene commutavit FEA cum altera vivimus.* Hanc illius interpretamentum recte dicit Bentleius. Illud hōc urbanius.

## VIII

Sat. II. 2, v. 14. *Cum labor expulerit fastidia.* Sic ex uno Ms. atque ex multorum codicium, qui habent extulerit, vestigiis vere edidisse censeo *BENTLEIUM*, non motus iis, quae *HEINDORFIUS* et *FEA*, qui lectionem vulgatam extuderit tueruntur, opposuerunt. *Extundere enim aliquid*, Bentleius multis exemplis probat, non esse excutere, ut eiicias et expellas, sed ut invenias et obtineas. Heindorfius quidem negat, consilium aliquid producendi aut lucrandi („die Absicht, etwas herzubringen und zu gewinnen“) inesse verbis *CELSI* IV, 4: *Aliquando, gutture et arteriis exulceratis, frequens tussis sanguinem quoque extundit.* At producendi etiam absit consilium, tussis tamen excutiendo producit sanguinem, ut vel hoc exemplo Bentleii observatio confirmetur. Qui quod dicit, id non solum de tali consilio intelligendum, sed etiam de tali modo; eamque explicationem patiuntur ipsa eius verba: „*Extundere aliquid non est excutere, ut eiicias et expellas, sed ut invenias et obtineas*“; atque illa praeterea, quae sequuntur: „*Id polliceri tibi ausim, ubicumque hoc vocabulum occurrit, eodem quo in his locis sensu inveniendi, acquirendi, impetrandi, extorquendi venire.*“ Apte idem laudavit Epist. II. 2, 137: *Ex pulit helleboro morbum bilemque meraco.* Quem e *QUINTILIANI* Instit. Orat. I. 3: (§. 6.) locum attulit *FEA* (*Sunt quidam, nisi institeris, remissi: quidam imperia indignantur: quosdam continent metus, quosdam debilitat: alios continuatio extundit, in aliis plus impetus facit.*) ut probaret, *extundere* nostro loco idem esse quod *retundere*, reprimere, enervare, eo parum intellecto mire abusus est Vir clarissimus. Nam *extundere* ibi, arguta elegantia adhibitum, significat *extundendo effingere*. Vid. *SPALDINGII* doctam annotationem, Vol. I. p. 52.

De aliis Satirarum, atque etiam Epistolarum, locis alio tempore. Vos ipsi, *Commilitones*, curabitis, ut mentem bonam, ut animum defaecatum, ut purum pectus ad novas lectiones Vobis rite oblatas afferatis. Nam, ut Horatii nostri verbis desinamus: *Sincerum est nisi vas, quodcumque infundis, acescit.*

P. P. in Univers. litt. Dorpatensi, Idib. Ianuar. 1800.

## I. LECTIONES THEOLOGORUM.

CHRISTIANUS FRIDERICUS SEGELBACH, D., a Consil. Collegior., Historiae ecclesiast. atque Litterat. theologicae P. P. O., Ordinis Theol. h.t. Decanus; 1) Historiae ecclesiasticae partem priorem, duce Schroechhii libello, a Cel. Marheineckio denuo Berolini 1818 edito, quinques per hebd. hor. III — IV narrabit. 2) Chronogiam sacram, sistema I. G. Frankii chronologicum fundamentale potissimum secuturus, dieb. Lun., Merc. et Ven. hor. XII — I docebit. 3) Selecta historiae eccles. capita horis idoneis uberioris explanabit.

LAURENTIUS EWERS, D., a Consil. Collegior., Theologiae Dogmaticae et Moralis P. P. O., Ordinis S. Annae secundae Classis Eques, 1) Criticam in Nov. Testamentum Introductionem dabit duce Haenleinio, quater p. hebd., dieb. Lun., Mart., Iov. et Ven. h. IX — X. 2) Dogmaticae alteram partem tradet sexies hor. X — XI. 3) Uberiorem in Theogiam revelatam Isagogen, sexies p. hebd. hor. II — III gratis.

HERRMANNUS LEOPOLDUS BOEHLENDORFF, D., a Consil. Collegior., Theologiae practicae P. P. O., 1) Theoriae institutionis catecheticae exponendae impendet horas tres dieb. Lun., Mart. et Merc. hor. XI — XII. 2) Theogiam pastoralem tractabit, praemissa explicatione epistolarum pastoralium ad Timotheum et Titum, tribus horis dieb. Iov., Ven. et Sat. XI — XII. 3) Liturgicae sacrae eam partem Latino sermone tradet, quae de festis Christianorum diebus eorumque origine historica agit, bis per hebd. hora IV — V. 4) In Seminario Theologico exercitationes homileticas et catecheticas instituet et diriget horis indicandis.

RUDOLPHUS HENZI, D., a Consil. Aul., Exegeticae et LL. OO. P. P. O., 1) Partem posteriorem interpretationis synopticae trium priorum Evangeliorum tradet, quater per hebd., dieb. Lun., Mart., Ven. et Sat. hor. VIII — IX. 2) Partes historicas in 4 Pentateuchi posterioribus libris contentas exegetice illustrabit, ter, diebus Mart., Iov. et Sat. hor. matut. VII — VIII. 3) Syntaxin Hebraicam docebit, gratis, ter, dieb. Lun., Merc. et Ven. hor. matut. VII — VIII; 4) Arabicam linguam, bis per hebd., dieb. Merc. et Iov. hor. VIII — IX.

## LECTIONES IURISCONSULTORUM.

CHRISTOPHORUS CHRISTIANUS DABELOW, D., a Consil. Aul., Iuris civilis etc. et Iurisprudentiae practicae P. P. O., Ord. Iurisconsultorum h.t. Decanus, 1) Pandectas cursu I. exponet ad Primas lineas Iuris Pandect. a se ductas, quinques p. hebd. hor. IV — V. 2)

Corporis Iuris civilis oeconomiam et externam et internam, iunctam Hermeneuticae eius, ad dictata, ter p. hebd. hor. V — VI vesp. 3) Historiae Iuris provincialis periodum Polonicam, Suecicam et Russicam narrabit bis, hor. V — VI vesp. 4) Auditorum exercitationes ad discendam causarum agendarum rationem moderabitur die Sat. hor. IV — V.

**FRIDERICUS LAMPE**, a Consil. Aul., Iuris publici et gentium et Politices P. P. O., 1) Rerum Germanicarum rationem usque ad Russiae provinciarum, quae mari Baltico adiacent, ab illa dissociationem exponet, instar Isagoges in Ius Germanicum privatum, quinques p. hebd. hor. IX — X. 2) Ius gentium Europaeum quinques hor. X — XI. 3) Ius provinciale Curonicum, quater p. hebd. hor. III — IV. 4) Disputationes Studiosorum iuridicas moderabitur d. Sat. hor. III — IV.

**IOANNES GEORGIUS NEUMANN**, a Consil. Collegior., Iuris Russici P. P. O., Tribunalis academici quo appellatione certatur causaeque recognoscuntur, h. t. Praeses, Ordinis S. Annae secundae Classis Eques, novissimam Iuris Russici Historiam narrabit sexies p. hebd., binis quotidie horis.

**CAROLUS SCHROETER**, D., a Consil. Aul., Iuris criminalis, Historiae Iuris et Litteraturae iuridicae P. P. O., 1) Historiam Iuris Romani enarrabit ad dictata hor. X — XI, quinques p. hebd. 2) Quaestionem publicam (Criminalprocess) exponet duce Meistero ter p. hebd. hor. II — III.

Cathedra Professoris ordinarii Iuris provincialis Curoniae, Livoniae et Estoniae vacua est.

### III. LECTINES MEDICORUM.

**CHRISTIANUS FRIDERICUS DEUTSCH**, D., a Consil. Collegior., Artis obstetriciae et doctrinae de morbis mulierum et infantium P. P. O., Ord. Medicorum h. t. Decanus, 1) Artis obstetriciae priorem partem docebit duce Sieboldo quinques p. hebd. hor. VIII — IX. 2) Clinicum obstetricium, quandocunque opportunitas dabitur, moderabitur. 3) De infantium morbis disseret duce Henkio quinques hor. III — IV. Praeterea ad privatissimas lectiones, ut adhuc, paratum invenient commilitones.

**MARTINUS ERNESTUS STYX**, D., a Consil. Collegiorum, Diaetetics, Materiae medicae, Historiae Medicinae et Litteraturae medicae P. P. O., 1) Diaeteticam docebit, ter p. hebd. hor. XII — I. 2) Formulas medicas conscribendi artem, ter p. hebd. hor. XII — I. 3) Encyclopaediam et Methodologiam medicam bis, dieb. Merc. et Sat. hor. XI — XII, hanc gratis in usum Alumnorum Caesareorum.

**LUDOVICUS EMILIUS CICHORIUS**, D., a Consil. Aul., Anatomiae et Medicinae forensis P. P. O., 1) Anatomiae partem priorem tradet in usum Alumnorum Caesareorum, sexies p. hebd. hor. III — IV. 2) De hominis extis, organis sensuum, glandulis et partibus genitalibus disseret sexies p. hebd. hor. IX — X. 3) Medicinam forensem tradet sexies hor. II — III. 4) Phy-

siologiam, seu Organismi humani Physicam, cursu altero, in usum Alumnorum Caesareorum habendo enucleabit sexies hor. V — VI vesp. Vid. etiam VI. Theatr. anat.

IOANNES CHRISTIANUS MOIER, D., a Consil. Aul., Chirurgiae P.P.O., 1) Chirurgiae theoreticae partem priorem, quinque p. hebd. exponet hor. XI — XII; 2) Fasciarum chirurgicarum rationem demonstrabit, ter h. XII — I. 3) Clinicum chirurgicum moderabitur quotidie hor X — XI; 4) Manu medica uti in cadaveribus, quoties occasio erit, docebit.

IOANNES FRIDERICUS ERDMANN, D., a Consil. Collegior., Therapiae et Clinices P. P. O., 1) quotidie hora audita XI exercitationes clinicas in Nosocomio academico instituet; 2) bis per septimanam dieb. Merc. et Sat. hor. XII Clinico ambulatorio praerit; 3) diebus Lun., Mart., Iov. et Ven. hor. IV doctrinae de morbis chronicis partem secundam tradet; 4) diebus Merc. et Sat. eadem hora exercitationes disputatorias lingua Latina continuabit.

FRIDERICUS PARROT, D., a Cons. Aul., Physiologiae, Pathologiae et Semiotices P.P.O., Pathologiam generalem sexies p. hebd. tradet.

\* \* \*

IOANNES FRIDERICUS ESCHSCHOLTZ, D., P. P. E. O., Prosector Theatri anatomici, 1) Anatomiam et Physiologiam animantium comparatam docebit dieb. Lun., Mart., Iov. et Ven. hor. X — XI; 2) Zooiatriken forensem tradet die Sat. hor. III — IV; 3) Cadavera secandi artem, quoties postulabitur, monstrabit horis pomeridianis.

HERMANNUS KOEHLER, D., privatim docens, 1) Hippocratis Aphorismos explicabit bis p. hebd. publice; 2) Corporis humani evolutionem quam vocant, duce Lucaeo, (Lucä's Grundriss der Entwicklungsgeschichte etc. 8. Marburg, 1819.) dieb. Lun., Mart. et Iov. hor. XI — XII tradet.

#### IV. LECTIONES PHILOSOPHORUM.

CAROLUS MORGESTERN, D., a Consil. Collegior., Eloquentiae, LL. Gr. et Lat., Aesthetices et Historiae Art. P. P. O., Ordinis S. Vladimiri Eques, Ord. Philos. I. et III. Classe h. t. Decanus, 1) Platonis Protagoram statarie explicabit ter p. hebd. dieb. Mart., Iov. et Ven. hor. VIII — IX matut. 2) Horatii Sermones interpretabitur ter, dieb. Mart., Iov. et Ven. hor. IX — X. 3) Artium graphicarum, in primis artis pictoriae rationem, ad dictata exponet et ex Museo, cui praeest, publico illustrabit bis p. hebd. dieb. Mart. et Iov. hor. III — IV. 4) In Seminario Paedagogico Philologico Sodales exercebit a) interpretando Niemeyer's libro: „Originalstellen Griech. und Röm. Classiker über die Theorie der Erziehung und des Unterrichts.“ edito Hal. et Berol. 1813; b) Latine scribendo et disputando, bis p. hebd., dieb. Merc. et Ven. hor. IV — V, ad quas exercitationes aliis etiam Auditoribus aditus patet gratis. Vid. VI. Biblioth. et Mus. Art.

**FRIDERICUS RAMBACH, D.**, a Consil. Collegior., Disciplinarum quae pertinent ad rem quam dicunt cameralem, ad redditus et ad rem mercatoriam P. P. O., Ord. Philos. II. et IV. Class. h. t. Decanus, 1) Expositionem systematum Oeconomiae publicae ad dictata dabit quater p. hebd. hor. VIII — IX. 2) Oeconomiae publicae partem posteriorem enucleabit ad dictata, quinquies hor. IX — X; 3) Cum Alumnis Caesareis Instituti medici Ciceronis Disputationes Tusculanas leget bis p. hebd., dieb. Merc. et Sat. hor. VIII — IX.

**GEORGIUS FRIDERICUS PARROT, D.**, a Consil. Status, Physices theoreticae et applicatae P. P. O., Ordinis S. Vladimiri Eques, Physices theoreticae partem alteram tradet sexies per hebdomadem, hor. XI — XII. Colloquia de rebus physicis habent semel per hebd.

**GOTTLOB BENIAMIN IÄSCHE, D.**, a Consil. Collegior., Philosophiae et theoreticae et practicae P. P. O., 1) Psychologiam et Logicam docebit, illam ad Iacobi epitomen Psychologiae empirae, hanc ad Kiesewetteri elementa Logices, sexies p. hebd. hor. X — XI. 2) Metaphysicam ad C. G. E. Schmidii libellum, quater, hor. XI — XII. 3) Encyclopaediam universalem doctrinarum ad libellum suum (Grundlinien einer Architektonik und allg. Encyklop. der Wiss. Dorpat, 1818.) quater hor. V — VI vesp. 4) Historiam recentissimae Philosophiae a Kantio usque ad nostra tempora narrabit duce Tennemanno, bis p. hebd. hor. V — VI vesp. 5) In Seminario Paedagogico Philologico exercitationes didacticas moderabitur, semel p. hebd.

**IOANNES GUILIELMUS KRAUSE, D.**, a Consil. Collegior., Oeconomiae, Technologiae et Architecturae civilis P. P. O., Ordinis S. Vladimiri Eques, 1) Rem rusticam tradet quater hor. VIII — IX matut. 2) Principia Architectonices quater hor. X — XI. 3) Elementa rei saltuariae cum huius Technologia quater hor. III — IV. 4) Exercitationes ichnographicas formarum architectonicarum instituet.

**GUSTAVUS EWERS, D.**, Universitatis h. t. Rector magnif., disciplinarum et statisticarum et geographicarum P. P. O., Ordinis S. Annae secundae Classis Eques, Historiam medii aevi enarrabit quinquies p. hebd. hor. XII — I.

**CAROLUS FRIDERICUS LEDEBOUR, D.**, a Consil. Aul., quum Historiae naturalis universae tum Botanices P. P. O., 1) Botanicam docebit ducibus Decandolle et Sprengelio (Grundzüge d. wissenschaftlichen Pflanzenkunde. Leipzig 1820.) quinquies p. hebd. hor. XII — I. 2) Exercitationes phytophotographicas instituet die Sat. hor. XII — I. Vid. VI. Hort. botan.

**FERDINANDUS GIESE, D.**, a Consil. Collegior., Chemiae et theoreticae et practicae, nec non Pharmaceutices P. P. O., Ordinis S. Annae secundae Classis Eques, 1) Chemiae generalis elementa experimentis illustrata exponet, librum suum (Darstellung der Chemie. Dorpat, 1820.) secuturus, quinquies per hebd. hor. III — IV. 2) Pharmaceutices partem physiographicam bis. 3) Ope-

rationibus chemicis exercebit Auditores privatissime horis antemeridianis.

**FRID. GUILIELMUS CAROLUS DE ADERKAS**, a Consil. Aul., disciplinarum militarium P. P. O., 1) Tacticae elementaris copiarum pedestrium partem alteram docebit ternis horis die Lun. hor. VIII — X et die Mart. hor. II — III. 2) Tacticae elementaris copiarum equestrium partem alteram die Iov. binis horis VIII — X. 3) Doctrinae de conformatione militari (Militär-Organisations-Lehre) partem alteram ternis horis die Mart. hor. VIII — IX et die Ven. hor. VIII — X. 4) Elementa doctrinae de solo in re militari respiciendo (Terrainlehre) et Geographiam militarem, ita ut utroque semestri tempore haec illam excipiat, ternis p. hebd. horis. 5) Rei militaris delineandae ducem se praebet ter p. hebd.

**MAURITIUS DE ENGELHARDT**, D., a Consil. Aul., quum Historiae naturalis universae tum Mineralogiae P. P. O., 1) Mineralogiam tradet quater p. hebd. hor. X — XI. 2) Crystallometriam bis, dieb. Merc. et Sat. hor. X — XII.

**GUILIELMUS STRUVE**, D., a Consil. Aul., Astronomiae P. P. O., 1) Trigonometriam et planam et sphaericam docebit ter p. hebd. hor. III — IV. 2) Locorum geographice definendorum rationem monstrabit duce Bohnenbergero ter hor. III — IV. 3) Exercitationes practicas geodaeticas cum Auditoribus continuabit horis commodis. Vid. VI. Specul. astron.

**MARTINUS BARTELS**, D., a Consil. Collegiorum, Matheseos et purae et applicatae P. P. O., 1) Mathesin elementarem, et quidem Arithmeticam Brandesio, Geometriam Blaschio duce, docebit sexies p. hebd. hor. VII — VIII matut. 2) Algebraam duce Lhuiliero, adhibitis simul problematis Hirschianis, ter p. hebd. hor. VIII — IX. 3) Geometriam analyticam, qua continetur et doctrina de sectionibus conicis et Stereometria analytica, ad methodum Mongii, ter p. hebd. hor. VIII — IX.

**BASILIUS PEREWOSTSCHIKOV**, D., a Consil. Aul., Linguae et Litteraturae Russicae P. P. O., Ordinis S. Vladimiri Eques, 1) Historiam Litteraturae Russicae narrabit praecipuorum scriptorum opera recensiturus; 2) Praeceptis linguae Russicae eiusque ingenio imbuet Auditores per exercitationes vertendi e linguis peregrinis in Russicam.

**IOANNES VALENTINUS FRANCKE**, D., a Consil. Aul., Historiae litterariae, LL. Gr. et L. et Paedagogices P. P. O., quum primum advenierit, lectiones suas in valvis publicis indicabit.

Cathedra Professoris ordinarii Historiae vacua est.

## V. LINGUAЕ HODIERNAЕ ET ARTES.

- I. Linguas recentiores docebunt Lectores publice constituti, et quidem ex legibus academicis binis quisque p. hebd. horis gratis: 1) Rossicam THOERNER, Classis X., dieb. Lun. et Iov., hor. IV — V. 2) Germanicam WEYRAUCH, Collegior. Secretarius. 3) Letticam ROSENBERGER, Gymnas. Dorpat. Director. 4) Esthonicam MORITZ, As-

- sor Consistor. et Pastor, dieb. Lun. et Merc. hor. V — VI vesp. 5) Francogallicam VALLET DES BARRES, D., Consiliarii titulo ornatus, qui a) Colloquia bis habebit gratis dieb. Lun. et Ven. hor. II — III. b) De Litteratura Francogallica disseret. 6) Anglicam THOERNER, dieb. Merc. et Sat. hor. III — IV. 7) Italica RAUPACH, Classis X, qui, praeter elementa Grammatices Italicae gratis bis docenda, Dantem explicabit bis, scriptorum Italiae classicorum notitiam dabit bis, praeterea ad Hispanicae linguae elementa tradenda paratus.
- II. Artium item magistri publici binis quisque horis gratis operam suam Studiosis dicabunt. Nam in Hippodromo academico modos equitandi ostendet DAUÉ, Artis equestris magister, dieb. Mart. et Merc. hor. VII — VIII. 2) Arma tractandi regulas dabit DUFOUR. 3) Saltandi artem monstrabit PELABON. 4) Artem ichnographicam et chalcographicam docebit CAROLUS SENFF, Professor extraord., publice die Sat. hor. II — IV, privatim dieb. Lun. et Iov. hor. II — IV. 5) Artem musicam THOMSON, bis, horis indicandis. 6) Operis mechanici magistrum se offert POLITOUR.

## VI. INSTITUTA PUBLICA.

In Seminario Paedagogico Philologico scholas methodologicas et practicas habebunt Directores MORGESTERN et IÄSCHE, quorum prior 1) interpretando Niemeyeri libro quo continentur Graecorum et Romanorum scriptorum loca de educationis et institutionis ratione, 2) Latine de rebus philologicis scribendo et disputando Sodales Seminarii exercebit; alter exercitationes didacticas moderabitur.

In Nosocomio academico, ut supra iam indicatum est, FR. ERDMANN exercitationes clinicas diriget; in Instituto obstetricio C. F. DEUTSCH; in Instituto chirurgico I. C. MOIER. Theatrum anatomicum desiderantibus monstrabit L. E. CICHLORIUS, collectionem pathologicam FR. PARROT.

Bibliothecam academicam aperiet dieb. Merc. et Sat. hor. II — IV. CAR. MORGESTERN, Bibliothecae acad. Praefectus. Professoribus patet quotidie horis IX — XII et II — IV. Si quis peregrinator Bibliothecam visere cupiet, Praefectum adibit.

Museum Artis qui cupiunt videre, Directori C. MORGESTERN indicabunt; qui Museum zoologicum, Directori C. F. LEDEBOUR; qui mineralogicum, Directori M. DE ENGELHARDT.

Apparatum Physices desiderantibus monstrabit Director G. F. PARROT, apparatum Chemiae Director F. GIESE; Collectionem formarum technologicarum I. G. KRAUSE; Speculam astronomicam GU. STRUVE; Collectionem rerum Mathesin applicatam spectantium M. BARTELS; Collectionem formarum militarium F. G. C. DE ADERKAS; Hortum botanicum Director C. F. LEDEBOUR.

J. v. N. Krit. Bibl. f. d. Schul- u. Unterr. wesen. 1823. no. II. in der Rec. v. Bothe's Aug. v. Fea's Horatius von S. O. (Obbarius?) heißt es S. 1007: „Nur ungern vermögen wir das Rückichtnehmen auf Ge. Waddeli Animad. Critt. in Loco quaedam Nigilli, Horatii q. Edinburg. 734., welches trotz manchen Gewagten, über einige Stellen in den Sat. u. Wz. doch immer beachtungswerte Conjecturen auffellte. Dahin rechnen wir unter andern Sat. 1, 9, 45. Nemo debetius für debetius, worauf auch Morgenstern verfiel (s. Miscell. Critt. ed. Friedr. et Seebode V. 1. V. 1. p. 92), welleich nicht ahnend, daß er schon eines Vorläufer gehabt. Kühige kritische Thüeben machen wir auch auf Leibniz van Seven aufmerksam, welcher in seines Opp. ad Lucan. die Weben in sein ita aufgenommen, welche obwohl meist kühne und nicht zu billigende, Verhebungen gezeigt hat.“